



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Kirchen Calender

Goldwurm, Kaspar

Franckfort am Mayn, 1574

xx Bernhardus Abt Clareuallis.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

gelehrt/ sonder haben alles/ wie Gauckelmän-  
ner/ mit Affenspielen/ vnd hölzern Götzen auß-  
gerichtet vnd gezeiget / Dann auff diesen tag  
kommen jung vñ alt/ als zu meister Hammer-  
lins spiel/ in die Pfarrkirchen zusamen/ da wirt  
ein Hölzerin Göt mit Hölzerin Engeln in ei-  
nen Hölzerin Himmel hinauff geschleiffte/ vnd  
werden glüende Teuffel/ von Werck gemacht/  
herab geworffen mit Oblaten / vnd mit viel  
Wasser giessens/ darbey viel mehr gespöts/ dan  
andacht ist / Nach solchem Spectakel fressen  
vnd sauffen/ Pfaffen/ Bürger vnd Bauer/ vnd was nur das Glas heben kan.

Dieser ist der erst Abt zu Clareuallis / vnd  
auß dem Schloß Castellione/ oder wie et-  
liche wölle/ zu Fontanis geboren gewest/ Er hat  
gelebet zu der zeit Barbarosse des Kaysers/ inn  
dem zwen vnd zwenzigsten jar seines alters / ist  
er mit dreyßig seiner gesellen in den Orden ge-  
treten/ welcher zuuor angefangen hat im tau-  
sendt ein hundert vnd zwenzigsten jar / darinn  
hat er/ als ein Oberster oder Abt 36. Jar gelebt/  
Vnd noch inn seinem leben waren 160. Clö-  
ster dieses Ordens erbauwet. Er hat häfftig

R. iiii wider

se  
G  
xx  
Bernhar-  
dus.



wider die Heydnische vnnnd andere Abgötterey  
 geprediget vnnnd geschrieben / Endlich ist er  
 nach viel gehabter mühe vnd arbeit im 63. jar  
 seines alters / vnd im 1153. jar Christi friedlich  
 gestorben.

Dieser

Dieser ist der 37. Keyser gewesen / Die weil  
 Maxentius Maximiani Sohn gräuoli-  
 che Tyrannen zu Rom wider jederman / vnd  
 sonderlich wider die Christen / anrichtet / hat er  
 wider ihn einen häfftigen Krieg angefangen /  
 vnd ist im gegen auffgang der Sonnen / wun-  
 derbärllich ein Feuerig Creus am Himmel  
 erschienen / darneben sein Engel gestanden / die  
 haben gesagt: In hoc signo vinces. In disem  
 zeichen wirst du obfiegen / wie dann geschehen /  
 Dann er hat Maxentium inn die Flucht ge-  
 schlagen / daß er selbs mit vielen seinen Keut-  
 tern vnd Knechten in der Tyber ist ersoffen /  
 Desgleichen hat er auch den Tyrannen vnd  
 Verfolger der Christen / Licinium gedämpfft.

ri  
 A  
 xxi  
 Constan-  
 tinus.

Er hat auch das Nicenum Conellium wi-  
 der Arium zu wegen bracht. Man hat ihm  
 allezeit das Buch des Euangelij müssen für-  
 tragen. Hat auch die ganz Biblia auff seinen  
 kosten lassen außschreiben / vnd hin vnd wider  
 in frembde Land geschickt. Nach dem er dreys-  
 sig Jar regieret / ist er seligklich im 342. Jar  
 Christi gestorben. Von diesem schreibet orden-  
 lich Eusebius lib. 9. cap. 9. 10. &c.

R v Dieser